



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-169-4/22**
Datum: **17.06.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica JKP „RADNIK“ d.o.o. Zavidovići za donošenje rješenja o vodnoj dozvoli za zahvatanje vode sa izvorišta „Izron“ a za potrebe snabdijevanja pitkom vodom potrošača na području grada Zavidovići, na osnovu člana 139. stav 1. tačka 1. Zakona o vodama („Službene novine Federacije BiH“, broj 70/06) i člana 200. stav 1. Zakona o upravnom postupku („Službene novine Federacije BiH“ br. 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola pravnom licu Javnom komunalnom preduzeće „RADNIK“ d.o.o. Zavidovići, za zahvatanje vode sa izvorišta „Izron“, u količini od 160 l/s, a u svrhu snabdijevanja pitkom vodom potrošača na području grada Zavidovići.
2. Vodna dozvola se daje na osnovu dostavljene dokumentacije, uviđaja na objektima, utvrđenog činjeničnog stanja i uz slijedeće uslove:
 - 2.1. Da se predmetni objekti održavaju u funkcionalnom stanju u skladu sa njihovom prirodom i namjenom i izdatim vodnim aktima.
 - 2.2. Da se korisnik vodnih objekata brine o čuvanju vodnih objekata i uređaja na njima od slučajnog ili namjernog oštećenje ili uništenja.
 - 2.3. Da korisnik predmetnih objekata obezbijedi stalni i sistematski pregled vode, od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće.
 - 2.4. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće, propisane Pravilnikom o higijenskoj ispravnosti vode za piće („Službeni glasnik BiH“, br. 40/10, 43/10, 30/12 i 62/17), vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.5. Da se vrši stalna dezinfekcija vode hlorisanjem kao i kontrola rezidualnog hlora u gradskoj mreži, a u skladu sa Pravilnikom o higijenskoj ispravnosti vode za piće.
 - 2.6. Da se u cilju kontrole, evidencije i plaćanja količina zahvaćene vode vrši mjerenje količina zahvaćene vode, a mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
 - 2.7. Da se na području vodozahvatne zone sprovode zaštitne mjere za izvorišta, a po Odluci o zaštiti izvorišta vode za piće vrela „Izron-Suha“ općina Zavidovići, broj: 01-023-66 od 12.07.1982. godine. Ova Odluka je bazirana na tada važećem propisima, a u međuvremenu je donesen novi Pravilnik o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje („Službene novine Federacije BiH“, br. 88/12). Usklađivanje postojeće Odluke je obavezno izvršiti prema Prijelaznim i završnim odredbama, član 15. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje.
3. Korisnik objekata treba da, u cilju kontrole, evidencije i plaćanja količina zahvaćene vode, vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne

vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

4. Prava stečena po ovoj dozvoli ne mogu se prenositi na treća lica.
5. U ovoj upravnoj stvari plaćene su sve upravne pristojbe.
6. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
7. Po isteku važenja ove vodne dozvole korisnik je dužan ovoj Agenciji podnijeti zahtijev za izdavanje nove vodne dozvole.
8. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
9. Ovo Rješenje može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, Javno komunalno preduzeće «RADNIK» d.o.o. Zavidovići, obratilo se ovoj Agenciji dana 08.05.2022. godine sa zahtjevom za izdavanje vodne dozvole za zahvatanje vode sa izvorišta „Izron“ a u svrhu snabdijevanja vodom potrošača na području grada Zavidovići.

U provedenom postupku dostavljena je i pregledana slijedeća dokumentacija:

- Ovjerena kopija aktuelnog izvoda iz sudskog registra, broj: 043-0-RegZ-22-000348 izdatog 15.02.2022. od strane Općinskog suda u Zenici,
- Ovjerena kopija Uvjerenja o poreskoj registraciji, izdatog dana 07.02.2011. od strane Porezne uprave-Kantonalni ured Zenica,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, broj: 04/1-UPP/1-16624/07 izdatog 06.09.2007 od strane Uprave za indirektno-neizravno oporezivanje,
- Kopija Odluke o vodovodu i kanalizaciji, broj: 01-23-3683/14 donesene od strane Općinskog vijeća Zavidovici 30.12.2014.godine („Službeni glasnik Općine Zavidovići“ broj: 9/2014),
- Kopija Rješenja o odobrenju za upotrebu objekta vodovoda šireg područja Zavidovića, broj: 05/17-360-35 izdatog 11.05.1984. godine od strane Komisije za katastar, imovinsko-pravne poslove i prostorno uređenje opštine Zavidovići,
- Kopija Rešenja o vodnoj dozvoli, broj: UP-I/25-3-40-119-4/20 izdatog 27.05.2020.godine od strane ove Agencije,
- Kopija Odluke o zaštiti izvorišta vode za piće „Izron“ Suha, broj: IO-40-21 donesene 18.04.1984. godine od strane Izvršnog odbora Skupštine opštine Zavidovići,
- Izvještaji o ispitivanju vode za piće urađeni 23.05.2022. godine od strane Instituta za zdravlje i sigurnost hrane Zenica,
- Kopija uplatnice upravne takse,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), izvršen je obilazak predmetnog izvorišta te je sačinjen zapisnik o izvršenom uviđaju broj: UP-1/21-3-40-169-3/21 od 14.06.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Zahvatna građevina izvorišta „Izron“ se nalazi na lijevoj obali rijeke Suha, lokalitet Kamenica na udaljenosti oko 23 km od centra Zavidovića. Kapacitet izvorišta je oko 160l/sec.

Zahvaćena voda se od kaptažne građevine, gravitacionim, azbest-cementnim cjevovodom $\varnothing 450\text{mm}$, transportuje do rasteretne komore odnosno hlorne stanice „Kamenica“ gdje se vrši dezinfekcija vode sistemom gasnog hlora - automatski gasni hlorinator. Kao rezervno rješenje za dezinfekciju vode koristi se Na-hipohlorit koji se dozira mehaničkim hlorinatorom („kapavac“). Skladištenje hemikalija se vrši u adekvatnom namjenskom prostoru.

Na dovodnom cjevovodu, neposredno ispred hlorne stanice ugrađen je automatski mjerač protoka. Za poboljšanje snabdijevanja vodom potrošača u sušnom periodu, izveden je otvoreni vodozahvat, kapaciteta 15 l/s, na vodotoku Tajašnica sa dovodnim cjevovodom koji se završava u oknu za ventile ispred hlorne stanice „Kamenica“. Za ovaj vodozahvat i cjevovod nije ishodovana upotrebna dozvola te isti nije u funkciji.

Redovno se rade mikrobiološka i fizičko-hemijska analiza vode od strane Instituta za zdravlje i sigurnost hrane Zenica.

Podnosilac zahtjeva nije ispunio uslov iz tačke 2.9. prethodno izdatog Rješenjem o vodnoj dozvoli (broj: UP-I/25-3-40-119-4/20 od 27.05.2020.godine) kojom je traženo da se izvrši usklađivanje Odluke o zaštiti izvorišta sa odredbama Pravilnika o načinu utvrđivanja uslova za određivanje zona sanitarne zaštite i zaštitnih mjeraza izvorišta vode za javno vodosnabdijevanje („Službene novine Federacije BiH“, broj 88/12). Prema izjavi podnosioca zahtjeva u toku su aktivnosti oko pripreme tendera za izradu dokumentacije koja će služiti kao podloga za donošenje nove odluke o zaštitnim zonama izvorišta.

U toku vršenja uviđaja na terenu evidentirana je povećana mutnoća vode u gradskom vodovodu, o čemu je obaviještena javnost, kako se ista ne bi koristila ta piće. Iz tog razloga bi se trebao ubrzati postupak donošenja Odluke o zaštiti izvorišta, kako bi se primjenom iste smanjila mogućnost zamućenja vode i pojava drugih onečišćenja u gradskom vodovodu.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz prethodnog Rješenja o vodnoj dozvoli (broj: UP-I/25-3-40-119-4/20 od 27.05.2020. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 08.06.2022. godine konstatovano je da podnosilac zahtjeva JKP „RADNIK“ d.o.o. Zavidovići redovno izmiruje svoje obaveze uplate posebnih vodnih naknada.

Podnosilac zahtjeva uplatio je posebne troškovi prema Zaključku ove Agencije broj: UP-1/21-3-40-119-2/21 od 05.05.2022.godine.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata JKP „RADNIK“ d.o.o. Zavidovići, ovom su vodom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata.

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07).

Konstatuje se da je podnosilac zahtjeva JKP „RADNIK“ d.o.o. Zavidovići, ispunio minimum uslova za izdavanje vodne dozvole za zahvat vode sa izvorišta „Izron“, u svrhu obezbjeđenja potrebnih

količina vode za piće stanovništva i privrede koje se vodom snabdijeva putem javnog vodovodnog sistema, na području grada Zavidovići, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.


Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Roksanda Školjić, dipl.inž.građ.

Po ovlaštenju:

Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- JKP „RADNIK“ d.o.o. Zavidovići
Ul. Podubravlje br. 3, 72220 Zavidovići
- ⊖ AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava